

in seculis regnare est pro  
rebonibus suppliciter tu  
is ut qui vidensior tua  
infirmus nullus hosti  
caris arma tuncam? **D**

**Infirmis** Orantibus

**Prois** semper **Gal.**

**Deus** salus eterna

redemmi prandi nos p  
infantis famulis tuis p.  
quibus tunc tunc implora  
mus auxilium ut credita  
mus famulatu quae tui  
otia tua credunt adomus

**Actus: Iacobus p. p. p.**

**Tristramir** aliquis

**Tristramir** aliquis

multibus inter tunc monita  
decurrit suscipere pios et  
hostiam famulorum tuorum  
p. quibus tunc tunc  
ostenduntibus i phorazuris  
ut de quoz pios tunc  
mus de eoe salute lictum?

**D** **Coni** Tristramir de tunc meo

**D** **Coni** Tristramir de tunc meo

tas hanc suscipere p. sibi  
um auxilium tunc tunc  
famulos tuos. p. ostendit  
iustitiam ut opus tunc tunc  
adicit et tunc tunc tunc  
in necessitate p. p. p.

**Actus: Iacobus p. p. p.**

**Tristramir** aliquis

**Tristramir** aliquis

W  
536



III, 97.

Handwritten text on the right edge of the page, partially obscured by a strip of tape.

Handwritten text on the right edge of the page, partially obscured by a strip of tape.

207

III, 97.



2.  
Von der Heimfart vnd  
Beylager

Des Durchleuchtigen

gen/ Hochgebornen Fürsten vnd  
Herrn/ Herrn FRIEDERICH VVIL-  
HELMS/ Herzogen zu Sachsen/ Landt-  
graffen in Thüringen/ vnd Marg-  
graffen zu Meissen/

Vnd

Seiner Fürstlichen Gnaden Herzhlieb-  
sten Braut/ Frewlein SOPHIA/ gebor-  
nen Herzogin zu Wirtembergk vnd Teckh/  
Gresin zu Mumpelgart.

Gesprech zweyer Personen/

Darinn zu befinden/ was von Anfang bis zum  
Ende/ in solcher Hochzeitlichen freude/ mit allerley Herrlig-  
keit/ vnd Ritterlicher Kurzweil/ sich begeben hat/ sehr lustig zu  
lesen/ Gott zu Lob/ vnd beyden/ dem Fürstlichen Brutigam/  
vnd F. Braut/ zu Ehren vnd Glückwünschung/ auch  
zum gedechtnis bey vnsern lieben Nachkommen/  
beschrieben/ erstlich Lateinisch/ darnach  
Reimweise vordeutsch/ Durch

Johann Ditmar Witeberg:  
M. D. LXXXIII.



Dem Durchleuchtigen/Hochgebornen  
Fürsten vnd Herrn/Herrn FRIEDERICH  
VVILHELM/Hertzogen zu Sachssen/  
Landtgraffen in Düringen/vnd Marggraffen  
zu Meissen/meinem gnedigen Fürsten  
vnd Herrn.

Gnad vnd Fried von Gott durch  
Christum allzeit zuuor.

**S** Paulus zum Römern am 12.

Cap: schreibet: Weinet mit den Wei-  
nenden/vnd frewet euch mit den fröli-  
chen etc. Mit diesen Worten wil vns der  
Apostel nicht allein erinnern/der stetigen vmb-  
wechslung/in diesem Elenden vnd vorgenglichen  
Leben/wie vmb der Sünde willen des Menschli-  
chen geschlechts/ alle ding vnbestendig vnd vngewis  
sein/ Als das es einem jzt wol/ bald wider-  
umb vbel gehet: Sondern er wil vns auch verma-  
nen/ das wir Christen/ als Geste vnd Frömbd-  
linge/nicht alle vnser Hoffnung auff dieses mühs-  
selige vnd Elende leben setzen sollen/ Sondern viel  
mehr auff jenes Ewige/ so wir nach diesem/bey  
Gott zugewarten haben/Neben dem wil vns S.

A ij

Paulus

Paulus auch einen feinen vnterricht geben/ wie  
vnd auff wasserley weise/ wir vns vnter des in al-  
lerley fellen/ so in diesem leben sich teglich mit vns  
zutragen vnd begeben/ recht schicken vnd verhal-  
ten sollen/ Nemlich also: wens vns vbel gehet/  
das wir nicht durch zu viel trawrigkeit verzagen/  
vnd allen glauben vnd hoffnung an Gott fallen  
lassen/ Oder: wens vns wol gehet/ durch solche  
zeitliche Wolfarth/auffgeblasen/ stolz/ vnd sicher  
werden/ welches alles beides Gott dem HERN  
misset/ vnd vns zu verderben gereicht/ Sondern  
das wir vielmehr vns befließigen sollen/ also zu-  
uerhalten/ damit wir beyde gutes vnd böses/ zu  
jeder zeit vnd Ort/ nach Gottes gnedigen willen  
vnd wolgefallen/ Christlich vnd rechtschaffen tra-  
gen vnd dulden können.

Wie schwer aber nun solches sey/ die mittel-  
strasse also zu treffen/ damit wir nicht/ weder zur  
lincken noch zur Rechten weichen/ der sachen zu  
wenig/oder zu viel thun/das bezeugen nicht allein  
alte vñ neue Exempel/ sondern fromme Christen  
die erfaren/ von wegen der grossen angebornen  
schwachheit ihrer menschlichen Natur/ noch teglich  
auch an inen selbst/ also das wenig gefunden wer-  
den/

den/ die sich/ wie es billich vnd von nöten/ recht  
vnd wol hieerein schicken köndten.

Weil nu dem also/ so sollen wir desto emfziger  
von Gott teglich bitten/ das er vmb seines gelieb-  
ten Sohns willen/ nicht allein solche vnsere blö-  
digkeit vnd schwachheit/ vns gnediglich vergeb-  
vnd zu gut halte/ Sondern auch mit seinem heil-  
ligen Geist/ in vnserm ganzen leben vns also Re-  
gieren/ führen vnd stercken wolte/ auff das wir in  
Kreuz vnd anfechtung nicht verzweueln vnd ver-  
zagen/ Sder in glück vnd wolfarth/ vermessen vnd  
sicher werden etc.

Damit aber/ Gnediger Fürst vnd Herr/ ich  
auff dasjenige/ dahin ich fürnemlich ihzund sehe/  
ohne alle weitleufftigkeit endlich komme/ So ist  
jederman allzu wol bewust/ in was leid/ Weinen  
vnd Trawrigkeit/ wir in diesen Landen bisher ge-  
wesen sein/ von wegen des vielen vnd mancherley  
vnglücks/ so hohe vnd nidrige/ in gemein vnd in  
sonderheit/ vbergangen vnd betroffen/ welche wi-  
derwertigkeit/ doch Gott der Allmechtige/ durch  
frommer Christen Gebet/ vmb seines geliebten  
Sohns willen Ihesu Christi/ gleichwol also gne-  
diglich gelindert hat/ das dennoch vnter so vielem

A iij

vnglück.

Unglück in Kirchen vnd Schulen/ heilsame reine  
Göttliche lehre/ vnd im Weltlichen Regiment/  
fried vnd Einigkeit/ durch Gottes gnade ist erhal-  
ten worden.

Für welche zwo herrliche vnd grosse Wohltha-  
ten/ wir von hertzen/ nicht allein fürnemlich Gott  
zu danken schuldig sein/ Sondern nechst Gott/  
auch dem Durchleuchtigen/ Hochgebornen Für-  
sten vnd Herrn/ Herrn Augusto Churfürsten zu  
Sachsen/ etc. unserm gnedigsten Herrn/ vnter  
welches heilsamen schutz vnd glückseliger Regie-  
rung/ vermeldete wolthaten vns widerfahren sein/  
vnd haben Gott weiter anzuruffen/ das er neben  
solchen Wohlthaten/ sein Churf. G. vns allen zu  
gute/ noch forthin lenger frisch vnd gesund/ gne-  
diglich fristen vnd bewaren wolte/ Amen.

Zu den vorigen kömpt auch nech dieses/ nicht  
das geringste Geschenck/ welches wir gleichsals  
zu erkennen/ vnd Gott dancksagung dafür zuthun  
pflichtig sein/ das durch Göttliche verleihung/  
E. F. G. sampt ihren andern liebsten Geschwie-  
ster/ neben ihr herzl lieben Fraw Mutter/ alle vn-  
sere ordentliche liebe Obrigkeit/ gnedige Fürsten/  
Herrn/ vnd Fraw/ bey gesundem/ frischen Leib  
vnd



Und leben/ bis anher semplichen und sonderlichen  
ist erhalten worden/ und neben demselben/ in sona-  
derheit E. F. G. Christlich und wol auffgezogen/  
und also zu ihren Jahren/ Alter/ und Verstand/  
(Gott lob) nu mehr gekommen/ das sie sich auch/  
nach Gottes ordnung und befehl/ in den heiligen  
Ehestand begeben haben etc.

Nach dem es denn billich/ das wir/ als  
fromme Unterthanen/ auch ober solche E. F. G.  
Heimfart und Beylager/ nicht allein uns freuen  
und Gott dafür danken/ Sondern auch umb sei-  
nen gnedigen Segen darzu anruffen sollen/ Als  
hab ich/ in untertheniger betrachtung solcher Br-  
sachen/ aus meiner geringen Poëterey/ diese glück-  
wüandschung auch stellen/ und antag geben wol-  
len/ darinne E. F. G. gnediglich zu befinden/ nicht  
allein was von anfang bis zu Ende/ in solcher E.  
F. G. Hochzeitlichen freude/ mit allerley Herr-  
lichkeit/ vnd Ritterlicher Kurzwel/ sich begeben  
hat/ Sondern auch was sonst/ zu besonderer  
Ehr und Rhum/ beyder E. F. G. hochlöblicher  
Heuser/ Sachsen und Wirtembergk/ gereichen  
mag.

Glanget demnach an E. F. G. mein un-  
A IIIJ terthe

tertheniges bitten/ dieselb wolten ihr/ solchen mei-  
nen vnterthenigen Dienst vnd fleis/ auch gnedig-  
lichen gefallen lassen. Hiermit E. F. G. sampt  
ihrer hertzliebsten Braut etc. in Gottes gnedigen  
schutz vnd schirm/ durch mein teglich Gebet/trew-  
lich befohlen. Geben am ende des Meyen/ Anno  
Domini 1583. / *628. i. l. i. p. 6. 7. 8. 9.*

E. F. G.

Vntertheniger

Johannes Ditmar/ Pfarr:  
zu Guttenshausen.



Gesprech/ so Faustus vnd Foelix mit  
einander gehalten/etc.

**N**ach Ihesu Christ Geburt heilig/  
Tausent funffhundert vnd achtzig/  
Als man noch drey Jahr darzu zalt/  
Der Monat May eilff Tag war alt/  
Do Mensch/Thier/vnd all ding auff Erden  
Als denn pflegen erquicket werden/  
Do alles grunt/lebet vnd lacht/  
Durch Gottes Güt vnd sein Allmacht/  
Do Laub vnd Gras/vnd alls sich frewt  
Zu dieser lustign Sommerzeit/  
Vom hohen Etthersberg im grund/  
Als man schier zu der Ilmen kumpt:  
Kamen gar früe zween Bawrn zusammi/  
Faustus das war des einen Nam/  
Des andern aber Foelix ist/  
All beyd from/vnd ohn alle list.  
In gleichem Alter auch sie warn/  
Darzu geschickt vnd wol erfahrn  
Zu Pfeiffn/zu singen/wie man wolt/  
Das es in freye Lufft erscholt.

Der ein der hut am Gras der Schaff/  
Sein weg aus Weymr der ander traff.  
Welch bekomn den Nam vom Weinmarckt/  
Der do vorzeiten verkaufft ward.  
Ein Reichstag da gehalten hat  
Otto der ander/wie man sagt.

**B**

Anno Chri-  
sti 975.

Als

Besize die Als er hat wolln bezwingn die Behm/  
Düringisch Wie denn durchs Glück auch ist gescheln.  
Chron: Xi Da nun Faustus jens innen ward/  
Bandri/ am Wie er mit freuden zu ihm trabt/  
Blat 154. Hat er zum erstn ihn angered/  
Mit dieser gar freundlichen red.

Faust: Wo her so gschwind/wo denckstu naus/  
Mein Foelix from/du alter Kauts/  
Sey Gott will komm/wie fro bin ich/  
Mein lieber Brudr/das ich seh dich.  
Vor wenig tagh ich gedacht dein/  
Als ich sals bey den Freunden mein/  
In vnser Schencke an der Zech/  
Als wir gehalten Heimel recht/  
Vnd vnser Bawrn vnter der Lind/  
Kumb sprungen mit der Grethn gschwind.  
Wie wir in vnsern jungen tagh  
Vns stets fein zusamn gehalten habn.

Foel: O Fauste from du trawtes Heupt  
Erinnerst mich der lustign zeit/  
Do wir ohn sorg/als Kinder pflegn/  
In lieben langen Sommer tegh/  
Grad vngrad spieltn mit steinlein bund/  
So an der Ilmen vfer rund.  
Vnd rittn herein vff Deseln steckn/  
Wie wir gar gros Caballen hettn/  
Neben den Gensen die wir huttn/  
Vnd daselbst auch zur Trencke furtn.  
Wo ist hin komm die frölich zeit  
In vnser einfalt vnd Kindtheit?

Jens

Jens mal bekümmert wir vns nicht sehr /  
Das Korn galt gleich weng oder mehr /  
Itzt aber nun wir komn zum Jahr  
Ist anders nichts denn grein vnd garrn /  
Auch kummernis vnd Dertzeleid /  
Mit müß / angst / borgn vnd sorgn allzeit.  
Ich bin erfrewt / das ich mag sehn  
Noch frisch vnd gsund dich reiner gehn.  
Gott frist dir noch das Leben dein /  
Seintmal du noch gedenckest mein.

Woher so früe / wo gdenckstu nans /  
Mich dünckt du kömpst von Weymar raus,  
Zur anzeig gibts die Dellepart /  
Die du tregst itzt zu dieser farth.  
Vnd die schöne Pantöfflein /  
So mit strick dran gebunden sein.

Faust:

Lieber was hat doch bdeut das gdöhn /  
Vnd blasen der Trometen schön /  
So nun sechs tag gewehret hat /  
Nach einander wol in der Stadt ?  
Was hat doch bdeut das fewr geschöts /  
So des Nachts geben gros gedöts ?  
Wozu hat man die Thurn geweist /  
Vnd das Schlos allenthalb mit fleis.  
In der Gestalt hab ichs vor nicht gsehn /  
Was bdeut des Volcks hienausen gehn ?  
Weistu nu vmb solch ding bericht /  
So theil mirs mit / darumb ich bitt.  
Denn ich mich nicht kan richten drein  
Es dünckt mich vngewöhnlich sein.

B ij

Wohnstu

Coel:

Wohnstu allein o Fauste frunt  
Vmb diesen Etthersbergk herum/  
Der nicht von der Nochtzlich freud weis/  
So ist in diesen Tagn gewest.

Ist es doch schier erscholln so weit/  
Als Abend vnd Morgen ligt breit.  
Verwundern ich mich nicht gnug kan/  
Das dus nicht solst erfahren han?

Unser löblichr Landsfürst vnd Herr/  
Hertzog zu Sachsen der Elter/

Friederich  
Wilhelm  
Hertzog zu  
Sachsen etc  
der Breutz  
gam.

Der in der Heiligen Tauff bekam/  
In seinr Kindheit ein solchen Nam/  
So vberinkömpt vnd ist ebn/  
Seim liebn Vettern/ vnd Vater beidn/  
Darumb das er sol sein geneigt  
Zu FRIEDEN vnd zu Einigkeit/  
Vnd doch darneben gerüst sein/  
Mit VIELen Waffn/HELM/vnd schutz fein/  
Wider die feind der Vnterthand/  
Zu trost dem lieben Vaterlandt:  
Derselb hat in blühnder Jugend/  
Weil er liebt Keuscheit/ Zucht vnd Tugnd  
Beylager vnd Nochtzeitlich freud  
Behalten itzt in Herrligkeit.

Dieweil nun Fürstlicher Heimfart  
Zu Ehrn habn beygewonet zwart  
Auch viel Fürsten/ Grafen/ vnd Herrn/  
Aus frömbden Landen her gar fern:  
So zeucht itzt widerumb anheim  
Von hinn ein jeder zu dem Sein.

DAS

Das ist die Ursach solches Schmucks/  
Gedons/Wegziehens/vnd Tumults.

Ich sag bey Gotts heiligen fürwar/  
Ob solches alles gleich Ruchtbar  
Mag worden sein in vnserm Dorff/  
Doch weis ichs nicht ich armer Tropff.  
Du kanst erachten/ wie ich leb/  
Des Tages ich beim Schafen kleb/  
Des Nachts ich mich in die Dütt mach/  
Wie kan ich denn erfahrn solch Sach?  
Du aber/ als ich kan verstehn/  
Hast solcher Freuden zugesehn?

Fault:

Von Anfang bis zum Ende zwar/  
Hab ichs beschawet gantz vnd gar/  
Ich wolt nicht hundert Schock d'für nemn/  
Das Ichs nicht hett gesehn so ebn/  
Ich wolt das du nur hettst solln sehn/  
Den Einzug/der da ist geschehn/  
Als der Brutigam mit grosser Freud/  
Sollennitet vnd Herrlichkeit/  
Die Braut vnd Geste durch die Stadt  
Zum fürstlichn Schloss gefüret hatt.

Foel:

Weil du hast zugesehn dem alln/  
So wolstu auch mir zu Gefalln/  
Erzeln nach meines Hertzn begierd/  
Solch herrlich Pracht/Pomp/vnd Geziert/  
Als deinem alten Compahn gut/  
Der dir guts gönt/vnd auch viel thut.  
Denn Ich wol leicht erachten kan/  
Das mus Prechtig sein zugegan.

Fault

B ij

In

In dem wir so geschwätzet han/  
Ist die lieb Sonn hoch koma heran/  
Vnd sticht auff vns gar eben hart/  
Mit ihren hitzgen stralen zart/  
Gefelts nu dir / so wollen wir/  
Zu jenem Weidich hin spatziern/  
So du sihest dort dicke stohn/  
In der Ilmen / nach zeilen schon.  
Da wollen wir ins Gras vns setzn/  
Vnd im schatten gar fein ergetzn.  
Da vns die Blümlein hübsch vnd fein/  
Von sich werd'n geb'n schön gruch vnd schein/  
Auch hören zu der Nachtigal/  
Vnd ander Vöglin Musical/  
Wie sie so fein holdselig singn/  
Das es im Holtz erschalt vnd klingt.  
So kan ich auch auff die Schaff mein/  
So abrupffen den Kleen fein/  
Mit achtung geben / das sie nicht/  
Vff frömbde Wiesen wenden sich.

Vnter des weil dohin gehn wir  
Mit guter mussn / so sage mir/  
Wie es vmb der Braut Eltern gwant/  
Wo sie haben ihr Leut vnd Land/  
Auch was gestalt vnd schönheit hab  
Die zarte Braut durch Gottes gab.  
Also wird werden dir zu lohn/  
Für gekauffte Pantoffeln schon  
Vom Megdlein Katharina jung/  
Ein schmatz auff deinen roten Mund.

Die



**D**ie Braut von tugent anserkorn/  
I vom stamm Fürstlich Hochgeborn/  
Ihr lieben Eltern des Geschlechts/  
So sich beflussen alles Rechts/  
Seind die Hertzogn zu Wirtemberg/  
Derer Land ist vol Thal vnd Berg.  
Wie mich berichtet vnser Schultheis/  
Der aller Fürsten Stemme weis.

Foel:

Der Wirtemberger Nam bekant  
Wird herrlich brümbt durch alle Land/  
Von wegen ihrer Streit vnd Krieg/  
Auch ihr Victorien vnd Sieg.  
Ich weis nicht was für grosse Feind  
Von ihn gejaget worden seind/  
Aus ihrem Vaterland geschwind/  
Wie man in Schencken darvon singt.

Faust

Von dieser Geschlecht sein ankunfft für  
**CHRISTOFF** der Hochgeborne Fürst/  
Der ist der Vater dieser Braut/  
So vnserm Landsfürstn. ist vertraut.  
Welcher bey seinem Leben war/  
Ehruest/bered/Weis/voller Lahr/  
Ein förderer Göttliches Wort/  
Vnd aller guten Kunst ein Wort.  
In allen Feln/die sich begeben/  
Behertzt er war/in diesem Lebn.  
Vbr Recht/Gericht/Gerechtigkeit/  
Dielt er steiff vnd fest allezeit.  
Sein Vnterthan gar wol regiert.  
Sie stets beschützt bey Ruh vnd Fried.

Besithe  
Sleida:  
im 9. buch/  
am blat 134  
Foel:

Christoff  
Hertzog zu  
Wirtem  
berg etc.  
der Braut  
Herr Vater

B iij

Ein

Ein Fürst mit Verstand / Tugend hoch /  
Als man zu habn möcht wünschen noch.  
Dem folgt itzt nach in gleichem fleis  
Ludowig /  
Herzog zu Sein Sohn Hertzog LVDVVIG mit Preis.  
Wirtem /  
berg etc. In welches blühenden Jugend /  
der Brant. Erscheinen viel hoher Tugend /  
geliebter. Auff welchem / als auff einigr Seult /  
Bruder. Steht Trost vnd Hoffnung seiner Leut.  
Die Gottes fürcht regiert sein Hertz /  
Das Göttlich wort ist ihm kein schertz /  
Welchs zu allem nütz vnd gut ist /  
Beid hie vnd dort / zu aller frist.  
Redlich / auffrichtig ist sein Gemüt /  
Mildselig / gnedig / voller Güt.  
In Gberdn ist eitel Dapfferkeit /  
Er liebt Tugendt / Zucht / Erbarkeit.  
Gar wol hat er studirt gut Kunst /  
Drumb tregt er gegn gleren Leuten gunst /  
Viel frömbder Sprachen er verstehet /  
Welch er gar fleissig lernen thet.  
Wie er nu in seinem Gemüt  
Viel solchr Tugend bey sich führn thut.  
Also lest er dieselb löblich /  
Heraus leuchten auch offentlich.  
Dieweil als ein Landsvater from /  
Er sein Vnterthan versieht schon /  
Das an Göttlich heilsamer Lehr /  
Ihn nichts gebricht / noch mangelt mehr.  
In dem er hohe Schulen erhelte /  
Auch viel klein Schulen wol bestelt.

Durch

Durch billich Gsetz er Fried bewart/  
Die Frommen schützt/die Bösen strafft.  
Doher GOTT ihn gesegnet fort/  
Mit allrley Frucht in sein Landort/  
Mit dem lieben Wein sonderlich/  
Der schier/wie Malnasier/köstlich.

**D**IE Mutter abt der Fürstlichn Braut  
Wirdt **MARIA MARI** verlaut/  
Ein Fraw from/Gottfürlich/Heilig/  
Weis/Verstandes voll/Keusch/züchtig.  
GOTT tröst sie in ihrer Beschwerd/  
Das es mit Frewd geendert werd.  
Derer Vater genennet wurd/  
**GEORG** ein Marggraff zu **BRANDENBURG**.

Ich hör gar gern/das ein solch Gmahl/  
Vnser Landsfürst/durch Gottes Wahl/  
Bekomen hat/denn er werd wol/  
Eins solchn Gspons so Tugendt voll/  
So auch Fürstliches Geblüts ist/  
Von wegen seiner Antkunfft frist/  
Die er von Fürsten hochgeborn/  
Der führt in sein Stamm anserkorn.

**V**nd das ich vbergeh mit fleis/  
Seiner Voreltern Ruhm/vnd Preis,  
Vmb kurtz willen der Glegenheit/  
Zuormeyden Weitleuffigkeit:  
Wer ist geweest zu vnser Zeit/  
Der mehr geliebt Gottseligkeit/  
Der guter Kunst vnd Göttlichr Lehr/  
Sich je hat angenommen mehr/  
**C**

Anna Maria  
ria gebore  
ne Margg  
gräfin zu  
Brandens  
burg/ etc.  
der Braut  
fraw Mut  
ter.

Faust:

Johans  
Wilhelm  
Hertzog zu  
Sachsenere  
des Breut  
gams Herr  
Vater.

Denn

Denn vnser lieben Brentigam  
 Herr Vater / do er führt sein Ampt?  
 Im Rathen weis / im Werck geschwind /  
 In Unglück keck / im Glück gelind.  
 Im Reden war er sehr beredt /  
 Damit Jedermans Hertz bewegt.  
 Zweymal hat er Franckreich der Kron /  
 Bey gestan in eigener Person /  
 Ihr zu zufüren Keuterey /  
 Wider ihr Feind vnd Meuterey.  
 Davon er Ehr vnd Lob erlangt /  
 Das ein Land ihm worden geschanckt.  
 Des lieben Friedens vnd Gerechtigkeit  
 Dat er sich beflissen allzeit.  
 Freundlich gegen den Erben sein /  
 Als ein fromm Vater gebürt sein /  
 Auch gegen sein lieb Ehgemahl /  
 Friedsam ist er gewesen allmal.  
 Ein Landsvater vnd thewer Welt /  
 Der Lob vnd Preis billich behelt.  
 Des Tugent zu preissn nach der leng /  
 Ich mich viel zu gering erkenn.

Dorothea  
 Susanna  
 Fürstliche  
 Wittwe /  
 Johans  
 Wilhelms  
 Herzog zu  
 Sachsen etc  
 Brent

**W** Je soll ich nu des Brentigams  
 Fraw Mutter Lob erzelen gantz?  
 Von Hochgebornem Blut vnd Standt /  
 Ein Pfaltzgreuin am Rhein genant /  
 Welche / do sie nun hatt verlorn /  
 Ihrn liebsten Herren auserkorn /  
 Durch zeitlichen Tod aus dieser Welt /  
 Nach Gottes Rath / wies im gefelt :

Dat

Wat sie ihr Sach gestelt zu Gott/  
Wie ein recht Wittwe in ihr Nott.  
Nicht anders zugebracht ihr Lebn/  
Denn wie ein Turteltenblin ebn/  
Wenn ihm sein Ehegnos wird entleibt/  
Einsam vnd Wittwer allzeit bleibt:  
Also in ihrem Wittwen stand/  
Sie noch ist blieben vnuorwand.  
Vnd ob sie wol voll Trawrigkeit/  
Beweinet oft ihr Hertzeleid/  
So hat sie doch widrumb bedacht/  
Was GOTT in seinem Wort zusagt/  
Wie er woll Wittwen Vater sein/  
Versorgen auch die Waislein klein.  
Auff GOTT ihr Traw/Hoffnung gesetzt/  
Zu dem gebet Tag vnd Nacht stetzt.  
Gottes Wort vnd Predigt besucht/  
Gelebt in Messigkeit vnd Zucht.  
Den thewren Held ihrn liebsten Herrn/  
Do er noch lebt/hielt sie in Ehrn/  
Ihn gliebt als iren Schatz gar werd/  
Den sie hat damals auff der Erd.  
All Stoltz/Hoffart/vnd schendlich Pracht/  
In Kleidung/Gberd/sie gar veracht.  
Auffrichtigkeit vnd Erbarkeit/  
Liebet vnd fördert sie allzeit.  
Mit Vntugent vnd falschem Schein/  
Kan sie gar nicht zu frieden sein.  
Gnedig allzeit ihr milde Dandt/  
Darbeyt sie den Armen im Landt.

C ij

Vnd

Vnd wie sie bisher **GOTT** vertraut/  
Also hat er für sie gebawt  
Auch seinen Schirm/vnd seinen Schutz/  
Wider der Welt/Poehen/vnd Trutz.

Also wird rechte Furcht zu **GOTT**/  
Vnd Glaub probirt durch Creutz vnd Not.  
Gleich wie Silber vnd auch Gold thut  
Im Ofen durch des Feners Blut.

Also mit Zweigen vber sich/  
Ein Edeler Palmbaum sich richt/  
Wenn er mit Lasten wird beschwert/  
Die ihn gar wolln drücken zur Erd.

Weil jr auch Gott glassen hat zwart  
Drey Edle Pflentzlein köstlicher Art/  
So hat sie auch derselbn gewart/  
Nach frommer Mütterlicher Art/  
Mit Vermanung zu **GOTTES** Furcht/  
Zu aller Erbarkeit vnd Zucht.

Vnd thut es noch all Stund vnd Tag/  
Vleissig mit Nutz/mit Frucht/vnd Rath.  
In dem das sie jr volgen gar ebn/  
Damit von sich gut Hoffnung gebn  
Ir angeborenen Edlen Art/  
Das sie nach schlagen derselben zwart.

Doher auch vnser Breutigam/  
So bald als er gen **JENA** kam/  
Dat er mit Fleis/Ernst vnd Begier  
Obzulegen allzeit sein Studiern.  
Vnd damit so viel ausgericht/  
Daz er nicht allein vnterricht.

Im

In guten Künsten vnd Sprachen ist/  
Auch wie zu dieses Lebens Frist/  
Man sich fein gegen Menniglich/  
Vorhalten soll Bescheidenlich:  
(Welchs zwar in diesem Leben man/  
Nicht entpern noch entraten kan)  
Sondern er hat do auch glernt woll/  
Wie man GOTT recht erkennen soll/  
Auff das nach diesem Lebn auff Erd  
Durch CHRIST man auch dort selig werd.

Bisher habn wir beyd Eltern gpreist/  
Wies denn selbst so die That ausweist.  
Solchem werden auch Zweyfel ohn/  
Der Breutigam vnd Braut folgen schon/  
Als ein Vorbild vnd Conterfeit/  
Aller GOTTES furcht / vnd Erbarkeit.

N V mir abr auch die Braut beschreib  
Mit jr Tugend / vnd schönem Leib.

Wie zarte Klein Erdbeerlein fein  
Mit roth vnd weis besprenget sein/  
Wie reiff Ammern / wens auff'n Baum stan/  
Ein schön / holdselig Anseh'n han:  
Also sah ich in der Gestalt zwart  
Vnterm Augsicht die Braut schön / zart.

Voller GOTTES furcht scheint jr Dertz/  
Das Göttlich Wort ist jr kein Schertz.  
Mit Keuschen vnd züchtigem lebn/  
Ist sie Dagnes vnd Susann ebn.  
In guter Vernunfft vnd Bescheidenheit/  
Ist sie die andr Abigaell.

Gestalt vñ  
Tugend der  
Braut.  
Foel:

Von Angesicht vnd schön Geberd/  
Mag sie verglichn Rebecken werden.  
Holdselig/lieblich ist ihr Art/  
Wie ein Fraw Venus Bild/hübsch/zart.  
Was sol ich sagen vom Geschmuck/  
Den ich da sach zur Stund nach Stuck:  
Von gülden Kettn vnd Edelstein/  
Von Smaragd/Ring/vnd Kleinten fein/  
Damit die Braut gezieret war/  
Vnd viel Weibsbild ein gantze Schaar.  
Doch die Braut zart die andre all/  
Mit Schmuck weit vberlag damal.  
So schöne Woll/wie dis Schaff furt/  
So hübsch/als ein weis Röslein blüt/  
Oder:wie Milch vnd Blut mag sein:  
So war die Braut auch damals fein.  
Vnd weil sie ist verstendig / weis/  
Furt sie auch drumb den Nam mit Preis  
S O P H I A aus ihr heiligen Tauff/  
Das heist Weisheit/nach Art vnd Lauff  
Vnser gemeinen Dentschen Sprach/  
Die wir gelernt der Mutter nach.

Faustus. Wol ist etwas/lieblich schön sein/  
Doch G O T T S furcht/Tugend/das best Klein/  
Doch weil allhie neben Schönheit/  
Erscheinet auch Tugentsamkeit/  
So ist schön Gestalt vnd fein Geberd/  
Auch dest mehr Lobs/vnd Ehren werd.

Foelix. Nu merck auch auff die herrlich Pracht/  
So auff der Hochzeit ward verbracht/

Als



Als nun zur Stadt die Braut itzundt /  
Solt ankommen nach bstimpter Stundt:  
Dat sich der Brentgam auffgemacht /  
Ir zu entgegen zihn allgemach /  
Mit vielem Reifigen Gezeug /  
Drunter Fürsten / Graffen / Edellent /  
Geschmückt mit einem gülden Crantz /  
Der von viel Edelsteinen glantz /  
Mit schwarzem Sammt vnd Gold bekleid /  
In Jubilirn / Frolock vnd Freud.

Mit Gberd er damals von sich gab /  
Gar Fürstlich angeborne Gabn.  
GOTTES fürcht / Frömbkeit / Erbarkeit /  
Manligkeit vnd Auffrichtigkeit /  
Erschein aus seinem Angesicht /  
Das ers im Hertzen het bey sich.

Auff ein schwartz / braunen Dhengst Er ritt /  
Der einher prangt auff alle Tritt.  
Vnd wier solt setzen schier nicht wust /  
Die Schenckel vnd Hals krümmen nach Lust.  
Bisweiln in das gülden Gebiss /  
Der Gaul mit beissen Schaum hienein lies /  
Bisweiln er sich im Kreis warff rumb /  
Für Freuden in die Höh sprung widrumb.  
Wie ein fürwitzig Böcklein pflegt /  
Wennes für der Herd vorher geht.  
Wie ihn sein HERR mittm Zaum regirt /  
So volgt ir auch mit allm Begird.  
So mütig war das Thier in zur Freud /  
Die es sah seinem HERRN bereit.

C ij

Beim

Der Brent-  
gam zeucht  
der Braut  
entgegen  
den 5. Wap.

Beim Breutigam ritten neben her  
In ihrer Jugend blühender/  
Geferdten  
des Breut-  
gams. IOHANNES ERNST zur Rechten hand/  
Sein liebr Vetter aus Franckenlandt.  
Sein liebester Bruder IOHANN  
Zur lincken hand ritt vnten an.  
Alle beid Fürsten Hochgeborn/  
HERZOGEN zu SACHSEN anserkorn.  
Vnd gabn von sich Hoffnung gar viel/  
Das sie woln folgen auch dem Ziel/  
Irer liebn Eltern vnd Vorfarn/  
Mit Tugendt in jrn folgden Jarn.  
Ans CHUR Fürsten von Sachsenstadt/  
Als ein Gesandten vnd Legat/  
Ein Grafn Edel vnd wolgeborn/  
BYERNDART zu BARB anserkorn/  
Vnter dem Hauffen ich auch zelt/  
In Mut vnd Leib ein dapffern Heldt.  
Sechs vnd dreissig Trabanten sach man/  
Auff ider Seiten achtzehn gabn/  
Die warn in Schwartz vnd Beel gekleidt/  
Zu Ehrn der Nochtzeitlichen Freud/  
Nach Schild vnd Farb des Breutigams/  
Die er furt bey sein Mantel Kranz.  
Gleichs fals ritten auch dapffer Leut/  
Als Grafen/Derrn vnd Edelleut/  
Mit Kleidung/Pferdn/ gar schön geputzt/  
Das man sich drübr verwundern must.  
Das gemein Volck lieff heuffig mit naus/  
Vnd stretchet Maul vnd Augen auff/

Das

Das es was gsche / sehen inöcht zwart /  
In dieser herrlichen Auszugs fart.  
Vnd zu traten die jung Saat zart /  
Schendtlich mit ihren Füßen hart.

Als nu die Braut nah kommen war /  
Zu ihres Breutgams reifign Schaar /  
Mit ihren Besten vnd Geferten /  
So gleich auch mit zur Stadt zu kerten:  
Dat man anfangn auff beyder Seit /  
Zu frolocken mit grosser Freud /  
Mit blasen / vnd Heerpaucken zuschlahn /  
Das in die Luft erscholn darnan.

Nach dem nun der Breutgam nicht faul /  
In die Seit angestochn den Gaul:  
Dat er zur Braut Wagn gemacht sich /  
Vnd sie empfangen sittiglich.

Sein Geferten aber all habn /  
Fort getrabet für allen Wagn /  
Bis das sie kommen gar herumb /  
Darnach in stiller Verwundrung  
Zugehört der herrlichen Red /  
Die WILHELM LINDgraff zHessin thet /  
Von wegen Fürstliches Breutgams /  
Welch ich nicht wol kund hören gantz.  
Darauff die Antwort hat gethon /  
Sein Bruder EDWARD gar schon /  
Auch ein LINDGRAF zu Hessen / beid  
Noch berümbt im Reich weit / vnd breit /  
Von wegen ihr Gottseligkeit /  
Thugent / Fahr / vnd Gerechtigkeit.

D

Nach

Nach P<sup>h</sup> J<sup>h</sup> P<sup>h</sup> S<sup>h</sup> I<sup>h</sup> S<sup>h</sup> Herrn Vatern Art/  
Dem sie nach folgten gantz vnd gart.

Drauff habender Trometen Thon/  
Vnd der Kessel p<sup>h</sup>ucken auff schlon/  
Wie auch der freudign Pferd Geschrey/  
Erweckt ein solch Tumulterey/  
Das es nicht anders gewesen ist/  
Denn wies in der Luft donnert vnd P<sup>h</sup>itz.

Einzug der  
Braut in  
die Stadt.

**S** A man sich nu beredet gar/  
Vnd die Braut angenommen war/  
**S** Ist man zur Stadt zuzogen baldt/  
In dieser Ordnung vnd Gestalt:  
Fünff hundert Reissig zogen vorn/  
Drunter viel Grafn vnd Herren warn/  
Drauff folgten fünff Glied hochgeborn  
Fürsten / in idem drey erkorn.

Ausgenommen in dem andern Glied/  
Hatten nur zween iren Beschied.

Im ersten Glied in dieser Sachn/  
War IOHANN ERNST Hertzog zu Sachssn/  
MORITZ CNDORFF zu Wessen mittn/  
IOHANN DERTZOG zu Sachssn zum drittn.

Im andern Glied ritten bey samn  
Zween Brüder / der erst CHRISTIAN/  
Der andere IOHANN GEORG bald/  
Beyd FÜRSTlichen Geblüts zu M<sup>h</sup>Q<sup>h</sup>E.

FRIEDRICH Pfaltzgraff / hat im drittn Glied  
Am Reim zu ZW<sup>h</sup> B<sup>h</sup>CK / sein Beschied.  
IOACHIM ERNST Fürst zu M<sup>h</sup>Q<sup>h</sup>E /  
IOHANN GEORG Hertzog zu Rignitz bald.

LVD

LVDVVIG oben im vierdten Glied/  
Bey seinem Bruder VVILHELM riet/  
Beyde LINDORFEN Nochgeborn/  
Im Landt zu WESSEN auserkorn.  
GEORG ERNST Fürst Graff zu WEINBERG/  
War auch in diesem Einzugs wergk.

Im letzten Glied ritt oben an/  
BVCKHART ein Graff zu BILBLOBSAN/  
An des CHURFÜRSTEN AVGVSTI stadt  
Zu SACHSEN/damals als Legat.  
Weiler ist Vater vnd Vormundt/  
Vnd mit Lob/Preis/regirt itzundt.  
Den Breutigam in der mittnich merckt/  
LVDVVIG Hertzog zu WÜRTEMBERG/  
Mit Ruhm in solchem Einzug gros/  
Die Saal der Fürstn letztlich beschlos.

Vor diesem fünfften Gliedt nechst her/  
Ritten sechs Edle Knabn nimmehr/  
Mit Gold/mit Helm/mit Spies/mit Kleid/  
Mit Fedder Puschn/vnd andern Greith/  
Vffs herrlichst geschmückt zu der Stundt/  
Als man nicht best erdencken kundt.  
Welcher Beul warn all geschweiff aus/  
Dinten vnd vorn mit Goldgeel kraus/  
Auch leibfarb/braun/grün/Feddern weis/  
Nach der Fürstlichn Braut Farb/mit Preis.

Dem Breutigam ist nach gefolgt bald/  
Die Braut selb fünfft im Wagn gezalt/  
Der vberzogen vnd geschmückt  
War von einem gar gülden Stück.

D ij

Darauff

Darauff stunden vier güldne Löbn/  
Wie sie lebten vnd lebten ebn.  
Welch furn in irn Helm/Wappn/vnd Schildt/  
Das WAPN zu WÜRTEMBERG/als bild.  
Acht braun Geull warn furn Wagn bereit/  
Die Brant war gar in Gold gekleid.  
Gleich wie der helle Morgenstern  
So lechts vnd füncklts auch vmb Sie hern.

Dem folgten andre Wagn noch vier/  
Drunter zween auch mit Goldt gezierd/  
Vnd rotem Sammet vberzogn/  
Obn Gülden Stück/sonst wie der obn.  
Die letzten Wagn zween vberlein/  
Mit schwarz Sammet warn bekleid fein/  
In den vier Wagn mit der Brant zwart/  
Kamen viel Fürstin Frewlin zart.  
Auch schön Eder Jungfrawen zu hand/  
Anher-geführt aus frömbdem Land.

Wo man zog allenthalb in Gassn/  
Da hört man Trometen auffblasn/  
Auffschlahen die Wehrpaucken auch/  
Nach Fürstlichem Sitt vnd gebrauch.  
Das volck so stehnd furn Heusern war/  
Neigt sich all fein mit Vernunfft gar.  
Vnd wünschten heimlich mit ihr Stimm/  
Segn/Glück/Heil/vnd all Wolfart ihn.

Diesen alln/wie gemeld itzundt/  
Seint gevolgt viel Reissig zur Stund.  
Also das an Tausent Hoffleut/  
Zu dieser Hochzeitlichen Freud/

Sind

Sind vmb ein Vhr gleich nach Mittag/  
Ankom zu Weynar/war die Sag.

Als man nu entlich ins Schloß kam/  
Posann/Zinckbleser sah man stahn/  
Die bliesen ein lieblich Music/  
Das es im Schloß sich wider nitt.  
Bis das alle frömbd Herrschafft war/  
Von Genlen abgefessen gar/  
Vnd sich gefunden zu der Stet/  
Dahin sich stehend versamlet het/  
Der Breutigam mit seiner Schaar/  
Dranter auch sein Fraw Mutter war.

Do ist von gantzer Landschaft wegn/  
Auch irer aller zu entgegen/  
Die Braut mit irn Geferten sampt/  
Angenommen worden mit Danck/  
Durch schön/höfflich/vnd zierlich Red/  
Die **DOCTOR EVAS DWANGEL** thet/  
Ein Cammer Rath Fürstliches Hoffts/  
Zu Sachsen / stets werd alles Lobs.

Darnach hat man die Beste all/  
Gefürt in ihr Gemach vnd Sahl/  
Welch mit viel schönen Gemeld warn/  
Vnd Teppichen behenget zwarn.

In solchem herrlichem Einzuge  
Der Braut/ mit jubilir Frologe/  
Was der Breutigam bekommen hab  
Heimlich im Dertzn für Freud darab/  
Niemand nicht gnug aussprechen kan //  
Wenn er gleich wer der bredste Man.

D ij

Solch

Soleh brünstig Lieb gegn seiner Braut/  
Die ihm nu solt werden vertraut/  
In seinem keuschen Hertzen Er trug  
Damals mit aller Ehr/vnd Fug.

Vergleich  
ung Ehelic  
her Lieb  
it der  
ichen

Dies Neigung hat GOTT eingepflantz

Natürlich zwischn Eheleuten gantz/  
Damit es sey ein Spiegel zart/  
Was GOTT der VATER/nach seir Art/  
Für Liebe tregt gegen seim SOHN/  
Den Er ewig geboren schon.

Vnd wie anget solcher Lieb von/  
Der HEILIG Geist/die dritt Person.  
Auch wie der Sohn lieb brünstiglich/  
Die Christenheit sein Brant geistlich.  
Welcher schencken Er wil Sein Geist/  
Das auch zu liebn sie werd gereist.  
Dafür der Fron Dreyfaltigkeit/  
Sey Lob gesagt in Ewigkeit.

Vertraut  
ung etc.

Wes nu zur Vesperzeit kam/  
Mit GOTTes Wort ward dem Brutigam/  
Als Irem liebsten Herrn/die Braut/  
Gar löblich vnd herrlich vertraut/  
In gegenwart der Fürsten all/  
Durchn Hoffprediger auff dem Saal/  
GREGORVS Strignitz es war/  
Erfahrn in GOTTES Wort/vnd Fahr.

Da ich solchs sah/bett ich bey mir  
Heimlich von meins Hertzen begier:  
O GOTT schaff/das gleich wie Ihr Werd/  
Von viel Edel gestein glentzend/

Welch



Welch stzt werden zusamin gegeben:  
Also jr Hertz mit Glantz auch ebn  
Verknupff/verbind/durch Segen dein/  
In brünstiger Lieb vnd Trew fein.

Nach dein wurden Sie gesetzt beid  
In ein Bett/auffs best zubereit.  
Von dann gieng man zum Abendmal/  
Vnd wurden die Gest vberail/  
Gespeist auffss herrlichst vnd versehn/  
Mit köstlichem Getreuce gar ebn.

Da es nun an den Morgen kam/  
Brentgam vnd Brant gefurt hat man/  
Zu Kirchen vnd zu Strassen schon/  
Wie Lands gebrauch bey idermon.

Hochzeits  
licher  
Kirchgang

Dem Brentgam gieng zur Rechten Hand/  
VVILHELM Landgraff in **HESSEN** Landt/  
Auff ander Seit gieng in dem Wergk/  
LVDVIG Hertzog zu **WÜRTEMBERG**.

Die Brant aber wurd beleit fein/  
Von **VOLF** Grafen zu **LEWENSTEIN**/  
Als des **CHUR**fürsten aus der **PFALTZ**  
Gesandten/des stet Er verwalts.

Dessen Mittgesell vnd Colley/  
War **BVRCKHART** ein Graff zu **BARBEN**/  
In Stadt des **CHUR**fürsten zu **SACHSEN**/  
Wie auch vor gmeld in dieser Sachn/

Mit Sackeln wurden sie beleit/  
Welch trug für ihn viel Edellent/  
Der vier vnd zwantzig vberail/  
Mit einander war an der Saal/

D iij

Nach

Nach herrlicher Fürstlicher Tracht/  
Gienges do zu mit grosser Pracht.  
Ich kans nicht alls erzelen dir/  
Es wil des Dings zviel werden mir.  
Denn wir doch Albre Bawren sein/  
Vnd nicht könn als behalten sein.

Hocheit  
predigt.

Die Hocheit Predigt zierlich vnd gut  
Genomen wurd aus dem Buch Ruth/  
Am Ends vierdten Capitel sein/  
Des Texts mag dis die Summa sein:  
Gleich wie die Lent zu Bethlehem/  
In Ther sampt iren Eltesten/  
Dem Boas vnd seir lieben Ruth/  
Gewündschet vierley Glück vnd Gut/  
Das GOTT wolt segn/dem Boas sein Ruth/  
1. Wie Rahl vnd Lea mit Leibs Frucht/  
2. Vnd sehr wachsen lassn in Ephratan/  
Damit all Ding gutn Fortgang han/  
3. Auch gepreist werden zu Bethlehem/  
Vmb Ir Gotts furcht vnd Tugenden.  
4. Endlich das sein Haus werd erkorn/  
Wie Perez Haus/ den Thamar gborn  
Dem Juda hat/ von dem herflusst  
DAN JESVS der HERRE/ewig gepreist:  
Anruffen Gott man solt also  
Auch für dies jung Eheleut itzo/  
Das Er Sie wolt gesegnen lon/  
An LEIB/GOTT/ERD vnd SEEGEN schon/  
Nach dem nu so für dem Altar/  
GOTTES Wort vber Sie gesprochen war/

It

Ist man aus der Kirch vff den Saal  
Widrumb gegangen allzumal/  
Da sind dem Breytgam worden geschenckt  
Kleinot / Ketten / vnd gantz Umbheng/  
Auch viel Credentz / Becher / Pocol /  
Von lautern Gold gemacht so wol /  
Auch so Kunstreich gegraben aus /  
Das es nicht ist zu sagen aus.

Von dann gieng man zum Mittagmahl /  
Vnd tractirt die Gest allzumahl /  
Mit Speis vnd Tranc so herrlich wol /  
Als ich vor nie gesehen wol.  
Da sah ich weder Kubn / noch Kraut /  
Weder Speck / Knobloch / Zwibln / noch Lauch /  
Noch Milch / aufftragn in Eschen frisch /  
Wie in Gastrey bey vns geschicht.  
Sondern Wiltpret so mancherley /  
Zugricht mit köstlichr Specerey /  
Vnd in silbern Schüsseln glegt ein /  
Nebn Maluasier vnd Ungrischm Wein /  
In Credentzen vnd Pocoln rundt /  
Als wol nie kunn für vnsern Mundt.

Nach herrlichem vorrichtem Mahl /  
Dat man gedantzet auff dem Saal /  
Bis widrumb zu dem Abendmal /  
Welchs vorricht worden / wie vormal.

Doch ist hart zuvor das Chartell  
Durch Trometen vnd Herolden /  
Aus geruffen worden gar frey /  
Mit solennitet vnd Geschrey:

e

Wer

Wer morgens Tags zur Getzlichkeit  
Auff dieser Hochzeitlichen Freud/  
Der Geladen Best allzumal/  
Lustig wer nach dem Mittags mahl/  
Zurennen nach dem Ring geschwind  
Umb auffgesetzte Wett vnd Kleind:  
Das derselb auff des Schlosses Plan/  
Sich machen wolt gerüst als dann/  
Mit Mantenatorn do zu thun/  
Drey Ritt vmbn Danck vnd Precium.

Faustus.  
Ritterliche  
angestellte  
Kurtzweil/  
mit dem  
Renne nach  
dem Ring/  
den 7. Tag  
des Meyen.  
Foel:

In solcher Freud vnd herrlichen Pracht/  
Ist der Hochzeit Tag wordn volbracht.

**D** Ein frommer Foelix far fort doch  
Mir auch zur zelen/was sich noch  
Weiter da zugetragen hat

Mit freuden Spielen angestalt/  
Vnd feiner Kurtzweil Ritterlich/  
Bis zum End der Heimfart Fürstlich.

Wiewol von langer Red zu dir  
Mein Jung dürr worden ist gar schier/  
Mir auch nicht bewust eigentlich/  
Wie jens vnd dieses höflich  
Genennet wird nach seiner Art/  
In solchem Fall vnd Spielen fart:  
Zu freundlichem Gefallen doch/  
Wil ich dir auch wilfaren noch/  
So gut als ichs genommen ein/  
Doff wirst mit mir zu frieden sein.

Auffzug  
Sans. Ge

Nach solchem alln den folgend Tag/  
Als man hett gessen zu Mittag/

Dans:

HANS GEORG von Wese ein Adlich Mann / orgen von  
Wese/ vnd  
der zween  
Mantena-  
torn  
Wolbland von Tugend vnd von Stamm /  
Ans CHURfürsten zu SACHSEN Hoff /  
Do er ist Kammer Juncker noch /  
Auff Schlosses plan auff führn thet vorn /  
Als dann zwene Mantenatorn.  
Das sind als zwene Ritter gefangn /  
Die doch widr Erledung erlangn /  
Auff das sie ihre Mannligkeit  
Beweisen solln im folgendem Streit /  
Widr der Auentorirer Macht /  
Welch / als ihr Feind / werden geacht.

Der erst hies NICKEL von MILTITZ /  
Von Sieben Eichen Adlichs Sitzs /  
Ans CHURfürsten von SACHSEN Hoff /  
Ist auch berümbt von Tugend hoch.

Der ander Mantenator dart /  
So auffgeföhret worden ward /  
Einen Adlichen Namen hat  
OTTO von STARSCHEDL ein Rath /  
Vnd Kemmerer Fürstliches Hoffs  
Zu Sachsen / stets werd alles Lobs /  
Von wegen seiner Kunst vnd Fahr /  
Auch das er viel Sprachen erfahrn.

Wie schwarzze Maren all zu hauff  
Mit ihm Habith zogen Sie auff.  
In der Ordnung aber geschach  
Dieser erst Aufzug / wie ich sach :  
Ein Kesselpencker vornen Ritt /  
Sechs Trometer in zwey Gelied /

E ij

Im

In Geel vnd Schwartz warn sie gekleid /  
Auch ihr Trometen Fahnen breit.

Darauff folgten Patrinen vier /  
Die ritten in solcher Monier:

Die ersten zween leer ritten gar /

Die andern furtn zween Kennspies dar.

Die Zween oben zur Rechten handt /

Ritten in schwarzem Sammet gantz.

Die aber auff der Lincken Seit

Warn in Leibfarb / Schwartz / Weis / gekleid.

All Pferd waren mit Feder Püschn /

Vinten vnd vorn geschweiffet Dübſchn.

Nach dieſn kam geritten allein /

**DANS GEDIG** von **WESLA** auch herein /

Auff einem graw Spanischem Roſs /

Mit vielen Feder püſchen gros.

In Gold / schwarzem Sammet vnd Seid

Warn durch aus Roſs / vnd Man gekleidt.

Dem folgtn die zween Mantenatorn /

Mit schwarzen Carren / wie die Horn /

Vff Spanischnpferdn / vnd in dem Mund

Trug jeder ein gülden Ring rundt.

Auch hat jeder ein Püſion /

In seiner Hand von Golde schon.

Nebn jnen lieffen zween Lackey

Gar schön in Geel vnd schwarzem Kleid.

Ein jeden der Mantenatorn

Vier schön Geul leer nachgefurt wordn /

Auffs schönſt geputzt mit allem Fleis /

Auff das derſelb Umbwechslung weis /

Sie

Sie fundten im Kennen hernach  
Nachm King gebrauchen allgemach.

**A**uff der Fürstlich Brentigam/  
Befolget ist gar Lobesam/  
Sampt andern Fürsten Hochgeborn/  
Grafn/Derrn/vnd Adlichn auserkorn.  
Gekleidet waren vberinst  
Mann vnd Ross/auff das best vnd feinst.  
Wie in Moldawland ist Gebrauch/  
Also ritten Sie dapffer auch.  
Welchs doch geschehen ist also/  
Wie ich erzelen will itzo.

Peucker vnd Tromter an der Saal/  
Wie vor/warn Sieben vberall.

Erstlich ritten ihr drey beysam/  
Anffürer war derselben Nam/  
Geel vnd schwartz Farb sie hatten an/  
Weis Keigers Federn Ross vnd Mann.

Mit einr Posaune einzler Mann/  
In lang grün Kleid gegangen kam.  
Welchs hübsch durchzogen mit Gold war/  
Vnd hatte an rott Stiefeln gar.

Dem folgten nach/mit gleichem Kleid/  
In ein Glied/drey reittend Spiellent.  
Zween bliesen mit Schalmeien fein/  
Der Mittelst schlug zwo Peucklein drein.

Denen folgten als bald zu fufs  
Sechs personen/ohn all Verdrus.  
Zipflicht waren ihr rote Düt/  
Mit Keigers Federn wol geschmückt.

**E** ist

**Schwartz.**

I.  
Anffzug  
der Auento  
rirer/vnnd  
erstlich des  
Fürstlichen  
brentigams.

Schwartzbraun waren ihr Angesicht/  
Vnd hatten lang Leibröck an sich/  
In Farben gantz vnd gar Veilblaw/  
Nach gewonheit im Land Moldaw/  
Doch waren Rott ihr Ermeln gar/  
Desgleichen ihre Stiefeln zwar,  
In Rechter Hand ein Pusion/  
In Lincker Seit rund Tartzschen schon/  
Mitertz beworffen/mit Sebeln krumm/  
Ein jeder führt zur selben Stund.

Drey Patrinen in gleichem Kleid  
Reitend auch man da sah im Gleid.  
Der ein führt ein Kempfes starck/  
Gemalt mit Geel vnd schwarzer Farb.  
In mehrem vnd stattlichem Schein/  
Kam damals auch gezogen ein  
Ein Elephant/auff dem ein Schloss  
Erbawet war zierlich vnd gros/  
So mit Leuten drinn war besetzt/  
Als ein Castell/vnd fein besteckt/  
Mit viel Paniern von Farben bund/  
Daraus man Kempffen vnd streiten kund.  
Denselb fürten zween Wenner wild/  
Auff jeder Seiten einer hielt.  
Besteckt warn sie mit grünem Moss/  
Jeder trug ein durren Baum gross.

Darneben horte man vnd sah  
Auch klingen ein schön Musica/  
Von Instrumenten mancherley/  
Welchs gab ein lieblich Melodey.

Dena



Dem Elefant gefolget sein/  
In Gliedern drey/Reitende neun/  
Mit Kleidung vnd Rüstung geputzt/  
Wie die Sechs vorigen zu Fuss.  
Vnter diesen der Brentgam war  
Vermunt mit seiner gantzen Schaar.  
Dem ritt zu seiner Rechten bald  
IOACHIM ERNST/Fürst zu ANHALT.  
Von Gottes Furcht/von Tugend hoch/  
Durch gantz Deutschland gepreiset noch.  
ADOLF VVILD Reingraff/war der dritt/  
Hertzog IOHANNIS CASIMIR  
Pfalzgrävischer Gesandter zwar/  
Geselt sich auch zu dieser Schaar.  
ANTONIVS von Lützelburg/  
Zum vierdten do gesehen wird/  
Ein Oberster/ein Rath mit Lob  
Am Fürstlichen Sechsischen Hoff.  
Mit Tugend gleich Cornelian  
Dem Hauptman zu Caesareen.  
Der fünffte war in dieser Fart  
DIETRICH VITZthumb Fürstlicher Rath  
Am Sechsischen Hoff/dessen mehrt  
Ich vnten bald gedencen werdt.  
HANS BOCK/ein Stallmeister des Hoffes/  
Der Sechste war/werd stets Ruhms vnd Lobs.  
GEORG von SCHONBERG war der Siebend.  
Berühmt von Adel/Stamm/Tugend.  
FRIEDERICH BOCK der Achte war/  
Des ich werd mehr gedencen zwar.

Act. 108.

R. iij.

Chri.

CHRISTOPF von Schönberg vol preis/lobs/  
Diesen Reuters Hauffen beschlos.  
Des Vater WOLFF von Schönberg ghandt/  
Auff Lawforgn vnd Anaudhain bebandt/  
Oberhauptman der Ertzgebirg/  
Dem an Ehr/Thugend/nichts gebricht/  
Itzt am FÜRSTEN Jchen Sechsischem Hoff/  
Ist Stadthalter mit Ruhm vnd Lob.

II. **D**ie Inuentzgon in diesem Werck/  
LUDWIG Hertzog zu WÜRTEMBERG  
So auff gefuret hat domalt/  
Auffzug Ludowigs Hertzog zu Würtensberg/etc.  
War angericht in Form vnd Gestalt/  
Wie Christenleut in Moreslandt/  
Gegen Mittag werts wol beband/  
So wohnen vnterm Prætejan/  
Dem grossn Monarchn vnd Potentan.  
Der vnter sich in Afric hat  
Viertzig Königreich/wie man sagt.  
Welch grossen Abbruch thun zu Hand/  
Dem Türckn zu Wasser vnd zu Landt/  
Das Er In mus geben Tribut/  
Oder auffsetzen Leib vnd Gut.

Vorn angiengen Trabanten drey/  
Die Warn in der Brant Farb gekleid.  
Do sah man viertzehn Glieder gehn/  
Drin neun vnd dreisg personen stehn/  
Ir haut an ihrem Leibe gar  
Braunschwertzlich allenthalben war.

Die ersten drey Belieder zwarn/  
Darinnen neun personen warn/

Das

Das sind gewesen Leut zu Fuss/  
Die giengn herein ohn all Verdrus/  
Ohn Schue/vnd bloss an Schenckeln gar/  
Duch auff dem Kopff sie hatten zwar  
Ein weissen Bund mit roter Haub/  
Der ander Leib bedeckt auch  
War von weis Leinwad/als ein Rock/  
Mit weitten Ermeln angezogn/  
Mit scharffn Sebeln vnd Seiten wehrn/  
Warn Sie auch wol gerüstet sehr/  
In Seiner Hand ein jeder trug  
Ein Flitzschbogen/vnd auff dem Ruck  
Hieng ein Köcher vol scharffer Pfeil/  
Der kund Er brauchen in der Lil.  
Die andern aber Glieder zwey/  
Darin sechs Spiellent giengen bey/  
Warn auch zu Fuss/wie dersten neun/  
Doch war der Unterscheid hierin/  
Schalmein/ Kurnphorn/Posaun/Sie bliessn/  
Nur mit ein Klüpl auffd Paucken schmiessn/  
Das gab gar einen düstern Klang/  
Der vnsern Ohrn ist vnbekandt.  
Kott Schue ir Füss/vnd blawe Röck  
Mit weiten Ermeln/irn Leib bedeckt.  
Wie die nu pfiffn ihr Melodey/  
So rittn/vnd giengn die Andern bey.  
Diesen folgten wiedrumb drey Glied/  
Der jedes zwu Personen hielt.  
Von Edelstein/Gold/ ein Ring rund  
Ein jeder hielt in seinem Mund.

f

Solch

Solch sechs zu Ross warn wol gepntzt/  
Das es zusehen war ein Lust.  
In schöner weisser Leinwand zwar/  
All sechs Sie angethan waren.  
Vffin Kopff trugn sie ein weissen Bund/  
Darin doch ein rot heublin stund.  
Gleich für sich weg in rechter hand/  
Ein jeder trug ein Schefflihn lang.  
Im Lincken Arm ein Runderel war/  
Darauff die vier zeiten des Jars  
Gemalet waren sehr künstreich/  
Was jedes gibt für Weidewerch.  
Darunter war ein Seitenwehr/  
Darnit Sie stechn vnd stossen sehr.  
Hinten mit schwarzem warn die Ross  
Bedeckt / die Zenn aber weis bloss  
Von Leder / darauff Gold gedruckt  
Zierlich vffs best vnd vnnerruckt.

In solch der sechs auffziehndem Werck/  
EDWIG Hertzog zu WÜRTEMBERG  
Ritt oben an / vnd hat nebn Sich  
Von HOLEN ED Graffen FRJEDRICH.  
CART ED von Neuburg auch ich zalt/  
So Wirtembergischer Marschalt.  
Den vierdten Ort inn hat domalt /  
GEOG Rudolff sein Geschlechts ein Marschalt/  
Am Wirtembergischen Hoff mit Treu  
Dient Er für ein Stallmeister frey.  
Der fünfft DEWM von Gannwitz zwar /  
CARL von Dacksberg der sechste war.

*Noch zu  
gesehen  
Zu  
den Hof...*

211

Vff solch zu Ross volgt wieder zu Fuß  
Sechs Glied/darin man zelen muß  
In jedes Glied Personen drey/  
Das warn zusammen achtzehn Man frey/  
Die waren ebn also gekleid/  
Wie die neun ersten vorderst Leut  
Mit Forme Gestalt vnd Dabith/  
Das es am geringsten fehlet nicht.  
Also zog auff zu solchem Werck/  
LVDVIG Hertzog zu VVIRTEMBERG.

**V**n altem Geschlecht in Düringland/  
Von Adlichem Stamm/Thugend/bekand/  
Genant die Ditzthumb von Eckstedt/

iiij.  
Aufzug der  
Ditzthumb  
ben/ etc.

Vff Camerwurff ihr Wohnungs Stedt/  
Drey Brüder/derer wird ihr Nam  
Genennet/Geörg/Christoff/vnd Thamm/  
Theten auch auffziehen nach der Weis/  
Wie volget/auff den Plan mit Preis.

Peucker vnd Trommeter so viel/  
Wie vorhin waren auch alhie.

Darauff folgten Patrinen drey  
In einem Glied reitend herbey.  
Der jeder ein Kennspies zur Hand  
Mit ein fehnlein schwarz/weis/furt lang.

Geputzt heraus warn Mann vnd Ross/  
Dases die Leut namwunder gros.  
In schwarz Sammet warn sie gekleid/  
Allenthalb schön mit Gold bereit.

Zween reitende in ein Gelied  
Darauff gefolget/als Spiellent.

f ij

Der

Der oben reit blies ein Schalmeist/  
 Ihr Kleid war in schwarz/weis/ getheilt.  
 Ein Paucke hat der vnten reit/  
 Die er kund schlag'n auff beide Seit/  
 Mit ein Rütlein in jeder Wand/  
 Wie Lands Gebrauch in Morenland,  
 Letzlich kamen geritten drey/  
 In alt Heidnischr Kriegsrüstung frey/  
 Wie man den Herclem pflegt zu maln  
 Mit Keulen/Pusion vnd Waffn.  
 Vff lincker Seit hieng'n Tartzschen rund/  
 Die man zum Schirm fürwerffen kund.  
 Löben vnd Drachn Köpff da sah man/  
 An ihrer Rüstung gar viel stan.  
 Mit schwarz'n vbersilbert Kendeck'n  
 Waren die Geul gar schön bedeckt.  
 Mit solcher Monier vnd Dabeit  
 Zog auff ein jedr in sonderheit/  
 Der Quentorirer Danff drey  
 Wider d'Wantenatorn allein.  
 Drob sich verwundert Alt vnd Jung/  
 Ich aber bat zur selben Stund:  
**D G D T E N V V D N V N S S O L L E H E l e u t /**  
**B E H U T E V N S F V R I R G A N D s a n k e i t .**  
 Als man nu auffgezogen war/  
 Dabn angefang'n Wantenatar/  
 Mit jedm Quentorirn zu thun  
 Drey Ritt/vmb'n Danck vnd Precium/  
 Vbr Zwerch/so herab hieng/nach'n Ring/  
 Den selbn an seinen Spies zu bring'n.

Doch

Doch vbr Hundert vnd vnter Zehn  
Gülden/die Wett nicht ist geschehn.

Nach solchem ist/wie auch vorhin/  
Das Chartell worden aus geschrien:  
Wer Lust het auff den Morgen Tag/  
Wenn man het gessen zu Mittag/  
Zur Balg zu rennen mit dem Ross/  
Allen Besten zur Freud vnd Lost/  
Das der Sich wolt verfügen dann  
Beharnischt auff des Schlosses Plan/  
Vnd mit jedem thun vier Currier  
Der Aufgezogn Mantenatirn.

**N**ach gehalten Fürstlichen Abendmal/  
Ist angestellt ein Dantz auffm Saal.  
Da ward ein jeden/nach sein Glück/  
Der Danc außgetheilt auff alle Stück/  
Von gülden Kleinot/Ring/vnd Crentzn/  
Wie sich gebürt in solchen Dentzn.

Danz vnd  
Denc auß  
theilig etc

Solch Denc vnd Gschenc außgetheilt hat/  
Von wegen des Breutgams domalt/  
Von Adlichem Stamm vnd Art/  
Doctor LVCAS THANGEL Camr Rath  
Zu Sachsen/am Fürstlichen Hoff/  
Do Er lieb vnd werd gehalten noch/  
Von wegn seir Kunst/Geschickligkeit/  
Hohen Verstands/Wolredenheit.

Des Mitgeselln gewesen sein/  
THAMM PFLVG genant zum POSTERSTEIN,  
Von Adel/Thugend/vnd von Lob/  
Allenthalb verhumbt/vnd erhobn.

f. iij

Welcher

Welcher zum Heiligen Grab vnd Land/  
Gereiset vber Meer vnd Sand/  
Gewesen ist mit Leibs gefahr/  
Als ich mir sagen lies fürwar,  
Darnach **DITZTHUMB** Camr Rat/  
Am Sechsschen Hoff sein Lob er hat.

Der erste Danck gegeben wordn/  
**NICKEL** von **MILTITZ** Mantenatorn.  
Den andern Danck entpfheng im Werck/  
**LVDVVIG** Hertzog zu **VVIRTEMBERG**.

Mit Preis entpfheng den dritten Danck/  
Der Hochgeborn Fürstlich Brentgam.  
Der vierdte Danck ward zugestellt

**HANS GEDIG** von Wese ein dapffern Held.

**A**uff solches ist gefolgt zur Stand  
Das Freuden Feuer angezund,  
Denn auff ein Hügel gegn dem Schloß  
Gesetzt warn drey Warten gros.  
Auff ein ein Phoenix vogel war/  
Auff dem andern ein Wild Mann gar.  
Auff dem dritten ein Wilde Fraw/  
Welch beid vmb Sich gar greslich sahn.  
Mit Spiessen vnd mit Tartzschen rund/  
Warn Sie gewapnet zu der Stund.  
Auch vber Sie am Wipffel hoch/  
Zwo Fahnen gesteckt waren noch.  
Von geel vnd schwarzer Farben schon/  
Nach Sechsischem Wappen gewohn.  
Vnd wurffn von Sich Fewr Kugeln gros/  
Mit vielen Schlegeln vnd Geschoss.

Welch



Welch schnell furn in die hohe Lufft/  
Vnd also grosse Fewers Klufft/  
Auch Stralen schossen/vnd im Kreis  
Sich rumb wurffen viel mal mit Fleis.  
Daruon es in der Lufft erschal/  
Wies donnert/ plitzet vberall.  
Bis das Sie wurden allzumal/  
Verbrent zu Aschen vberall.

**S**ich Feuer also angericht/  
Vnd mit grossem Vnkost verricht/  
Sol erst/als ein Erinnerung sein/  
Menschlich Lebens/Sterblichkeit/ sein.

Denn gleich wie nach verrichteter Freud/  
Sonn gewehrt etlich Tag zeit/  
Mit Jubiliren vnd Frolock/  
Darmit doch wol zu Frieden Gott/  
Gfolgt ist entlich die finster Nacht/  
Die gros Feuer mit Sich gebracht/  
Durch Schleg/Geschoss vnd Schrecken viel/  
Welchslang gewehret/ schier ohn ziel.  
Bis das die Dreifach schöne Wart/  
Zu Asch entlich verbrennet ward.

Auch wieder Phoenix vogel gleich/  
Wenn Er lebt satt in der Welt Reich/  
Wol vber die fünff hundert jar/  
In India/wie man schreibt zwar/  
Doch Sich pflegt zuerbrennen gar/  
Das an ihm bleibt wedr Haut/noch Daar:  
Also ist's auch vmb's Menschlich Lebn:  
Gethanalhie auff dieser Erden.

f iij

Wenn

Zeimliche  
deutung des  
freuden  
fewers etc.

Wenn wir gleich lang gelebet habn  
In Freud / Lust / Ehr / vnd guten Tagn /  
Geschwebt in Herrligkeit / vnd Pracht /  
Vbr andre gherrscht mit grosser Macht /  
So wird doch volgn auff Solchs ein malt /  
In einem Augenblick als bald /  
Wenn Wir zum wengsten Vns versehn /  
Der zeitlich Todt mit Ach vnd Wehen.  
Der wird Vns gantz vnd gar verzern /  
Das weder Haut / noch Haar / bleibt mehrn.

Wehe dem der nu verseumet hat /  
Die Gnadenzeit in dieser Fart.  
Ohn Key vnd Leid geblieben frey /  
Gleibt in Sünden ohn alle Schew /  
Auch ohne Glaub an **JESUM CHRISTI** /  
Gestorben hie in dieser Frist:  
Den wird aller erst vberfalln  
Ein Finster Nacht / nach Solchm alln /  
Mit Feners Blut / vnd Flammen viel /  
Drinn Er wird brennen ohne Ziel /  
Vnd gequelt werden Tag vnd Nacht /  
Wolt Gott / das man solchs stetz betracht /  
Vnd in Gotts furcht ein jeder stund /  
Damit Er solchm entgehen Kund.

Es wird auch durch solch Fener gezeigt /  
Das ein mal wird kommen die Zeit /  
In welcher dies schön Welt vnd Leut /  
Durch die Dreifach schön Wart bedeut /  
Himmel / Erden / vnd auch das Meer /  
Durch Feners Blut vergehn wirdt sehr.

Do

Do wird der Teufel / mit all den Sein /  
Gestossen werden in ewig Pein.

Das wird also Erstlich bedeut  
Durch dieses Feuer in solcher Freud /  
Zur Warnung allm Gottlosen Gsind /  
So man auch zu Herrn Höfen find.

**A**rnach erinnert uns auch fein /  
Die Wir wollen fromm Christen sein /  
Der grossen Freud vnd Herrlichkeit /  
Die uns nach zeitlichem Todt bereit.

Denn gleich / wie auff die finster Nacht /  
Vnd Schrecken / so das Feuer gemacht /  
Gleichwol der Morgend Tag gefolgt /  
Mit schöner Sonn / schein / vnd Frolock /  
Darinn man sich gefrewet hat /  
Vnd ergetzet widrumb gar satt.

Auch wie aus Asch des Vogls Phœnix /  
So gar verbrent / vnd worden zu Nichts /  
Dennoch ein newer Phœnix worden  
Widrumb schön Jung / ebn wie der Vorg /  
Nach dreyen Tagen / wie man schreibt /  
Welchs ist zumal ein kurtze Zeit :

Also sol auff der Christen Tod /  
Kurtz / zeitlich Schrecken / Angst / vnd Tott /  
Auch widerumb gar folgen schon  
Bald ewig Herrlichkeit / Freud / Wonn /  
Dohin ihr lieb Seel kommen wird /  
Durch Dienst der liebñ Engeln auff's schier  
Vnd obwol ihr Leib wird verfaul  
In der Erden zu Asch vnd Staub /

**G**

So sol

So soll Er dennoch durch Gotts Macht  
Widrumb werden herfür gebracht/  
Wenn kommen wird zur Jüngsten Frist/  
Die rechte Sonn **HERR JESVS CHRIST**  
Der aufferwecken wird ihm Leib  
Zu ewigr Freud vnd Herrlichkeit.

Darzu helff allen Christen from/  
Der ewig **GOTT** durch Seinen Son.  
Mit solchen Freuden ist verbracht  
Glücklich / vnd wol auch dieser Tag.

Das Balge  
rennen zu  
Ross / den  
8. May.

**S** In achten May zu Mittag zwar /  
Do gar verrichtet das Wahl war /  
Daben sich widrumb auff den Plan  
Zween Mantentorn herfür ghan.

Als der von **WES** vnd von **METZ**  
Zu Ross / mit Harnisch / Spiessen spitz.

Ihre Geul schön waren bedeckt  
Mit schwarzen vnd geelen Kenndeckn.  
Desgleichen ihre Schürtz geschmückt /  
Mit feinem Gold auff alle Stück.

Diesz Zween habn sich allein gestellt  
Zum folgenden Streit als die Held.

**S** Jeseu zugegen zog auch auff  
Der Fürstlich Breutgam mit sein Hauff  
Zu Ross / mit Spies / Harnisch geputzt /  
Das es zusehen war ein Lust.

Diesz waren in vier Glied getheilt /  
Das in jedem drey Person Reit.

Das erst Glied mit Mann vnd Ross gar  
Bekleidet in schwarz vnd Gold war.

Dietrich

DIETRICH VITZTHUMB oben an Ritt/  
Der BREVTGAM aber in der Mitt.  
OTTO von STARSCEDL vnten an/  
Des Schertzs zu gwarten auff dem Plan.  
Das ander Gled in Grün vnd Weis  
Dereiner Ritt mit Ehr vnd Preiss.  
Das dritte Gled Leibfarb gar/  
Das letzte aber Goldgeel war.  
Mit Federpüschn hinten vnd vorn  
Gar schön die Genl geschweiffet warn.  
Von Farben also mancherley/  
Wie mag haben ein Papagey.

Den ersten Angriff gethan hat  
OTTO von STARSCHEDL donalt/  
Wider vorgehen Gesellen sein/  
Den von MILTITZ im Kenn Ringlein.  
Vnd so fort an die andern all/  
Nach einander in ihrer Saal.  
Bis das zween Mantentorn schon/  
Die Quentorier all beston.  
Vnd vier Currier mit jedem gthon.  
Das Spies vnd Stangen flogn dauon.  
Letzlich sind auff gleiche Parthey/  
Mantentorn/ Quentorey  
Der Balge gleich worden getheilt/  
Zu Kenn auff einander in Eilt  
Steiff die Folg/ mit Spiessen zu brechn/  
Das es geraßlt/ gepraßlt im Stechn.  
Also wurd Kitterlich gekempfft/  
Vnd der Darnisch gar wol gestempfft.

G h

Bis

Bis das auff Judicierr Bescheid/  
Nach Vermügen eins jeden Leib/  
Erkent ist worden das End zu schaffn/  
In solchen Ritterlichen Waffn.  
Auch bis die Beul nicht mehr gekund  
Zu lauffen/Kennen/zu der Stund.

Nach dem/wie vor/widrumb hat man  
Das Chartell schon ausruffen lahn/  
Mit Tromten vnd Derolds Bescheid/  
Zum Morgenden Tornier vnd Streit.

Dantz vnd  
dancf aus  
teilung etc.

**N**ach gehaltenem Abendmal/  
Hat man Gedantzet abermal/  
Vnd ausgeteilt die Dencf herrlich/  
Nach eins jeden Sieg Ritterlich.

Der Fürsten Dancf gegeben worden  
Domals dem **B R E V T S A M** Hochgeborn.

Der Juncfern Dancf empfieng vor alln  
Erst **NICKEL** von **MILTITZ** derhalb/  
Weil in den ersten Curriern vier  
Er zum meisten Spies hett mit Zier  
Zu stossen vnd zubrochen gart.  
Im Kenn wider sein Widerpart.

**O T T O** von **STARSCHEDEL** als bald  
Den andern Dancf bekommen hat.  
Weil er zubrochn drey Spies geschwind  
Im Kennen wider seinen Feind.

Der dritte Dancf in dieser fart  
**GEORG** von **SCHONBERG** zu erkent ward/  
Drumb das Er hat zween Spies gebrochn/  
Vnd sich an seinem Feind gerochn.

Der:

Der folge Danck in dieser Fart  
NICKEL von MILTITZ geben ward.

**A**rauff zu letzt gefolget ist  
Die Mascherada zu der Frist.  
Damit bedeutet warn die Bild/  
So fuhren fast in Helm/Wappn/vnd Schild/  
Das Haus zu Sachssn vnd Wirtembergt/  
So nun Befrenndet ist im Werck.

Nummerey 3.

Oder: wie Orpheus ein Poët/  
Vnd Musicus/von Gott gelert/  
Durch sein Gesang/lieblich Red fein  
Sol habn bewegt Leut/Thier/Holtz/Stein/  
Vorzeiten/ihm zu folgen gern/  
Nach seinem Willen vnd Begern:  
Also sind auch von grosser Freud/  
Vnd Frolock/ohn all Schew/vnd Meid/  
Bewegt worden die wilden Thier/  
Auch viel Pilgrim/Einsiedler schier/  
Bey zu wohnen dieser Heimfarth/  
Die so herrlich verrichtet ward.

Do sah man in der Nummerey  
Der tretten Thier so mancherley.  
Welch von sich gabn ein solchen Schein/  
Als wenn Sie leib/lebten All fein.

Vnd weil Sie mercktn/das in ihrem Hauffn:  
Der Brentgam auch thet vnterlauffn/  
Als der recht Orpheus in dieser Freud/  
Verliessen sie auch bald/ohn Leid/  
Ihr wilde vnd vnschlachtig Art/  
Vnd habn mit Dienstauff ihn gewart//

G iij

Ihm

Ihm vor vnd nach gespiet fein/  
In schönen Instrumenten neun.  
Ihm Fackeln vor/nach/gtragen zwarn/  
Als wern solchs Dienst Sie wol erfarn.  
Gleich wie Sie auch gefolgt zuvor  
Dem alten Orpheo vnd Cantor.

*Procession  
des Minne-  
mercy.*

Ein Wild Mann gieng vorn an domal/  
Der fuhr Sie auff den weiten Saal.  
Darnach die Thier gegangen kamm/  
Welch sich hattn fein gepart zusamn.

Ein Tiger Thier gieng mit ein Wolff/  
Ein Aff dem Wasn auch mit gehn holff/  
Ein Gems vnd Fuchs dunckten sich viel/  
Das sie warn konn zu diesem Spiel.

Ein Bock/vnd Duhu mit seim Gsang  
Schrey/das daruon gar düster Klang.

Ein Brüllender Lew ghorsamlich  
Von ein/lies fürn Einsiedler sich.

Ein Brummender vnd grosser Beer  
Trat neben einem Pilgrim her.

Mit Muscheln bhengt hinten vnd vorn/  
Ein Jacobs Bruder ein Einhorn/  
Von seiner langen fart vnd Reiss/  
Bracht auch mit Sich in diesen Kreis.

Zwischen diesen waren auch fein  
Wol sechs person gemenget ein/  
Die giengn zu Barn/ein Man vnd Weib/  
In altem Königschen Dabeith.  
Wie gwest vorzeiten Sitt vnd Branch/  
Noch alt Gemeld ausweisen auch.

Letzlich



Letzlich ein Mönch gefurt bracht bey/  
Ein Hirsch mit ein grossen Gewey.  
Mit dem beschlossen also ward  
Dis Spiel/ vnd Nummereien fart.

Solech Thier aber Mönch/ Einsiedler/  
Die brachten Mumeschantz den Herrn/  
Vnd richten viel Gelechter ahn/  
Drob sich verwundert Fraw vnd Man/  
Mit Springen/ Wüpfen/ Dantzen viel/  
Die sie fürbrachten in diesem Spiel.  
Also ist anch geendet wol/  
In Frewden dieser Tag/ Gott Lob.

Den neunten Maij zu Mittag/  
Als man das Mahl verzeret hat/  
Sind widerumb herfür getret  
Zu fuß/ in Darnisch/ Spies/ vnd Schwertn/  
Vier Mantentorn Adlichs Geschlechts/  
Mit hohem Muth/ gros freudigm Hertz.  
Ihr Schürtz die warn von Farben bund/  
Nach der Braut Farb zur selben Stund/  
Ein jeder hat auff Seim Helm stehnd  
Ein Zeichen/ so Fanohr genent.

Der erste DIETRICH VIT Zhumbar  
Von Eckstet/ ein Cammerrath war/  
Am Fürstlichen Sechsischen Hoff/  
In Düringen vom Adel hoch.  
Ein Mann in Rathen/ Redn/ vnd Reittn  
Zu gebrauchn wol auff alle Seittn.

Der andere war FRIEDRICH BOCK  
Von Gersheim in Elsas wohnt noch/  
G iij

Tornier zu  
Fuß/ den  
9. Maij.

Vier Mand  
tentorn.

Ein

Ein Edelman des Römischen Reichs/  
Der allezeit behelt den Preiss.

Der dritte war PANCRAZ von Cölln/  
Von Krafft/von Muth/starck wie ein Löbn/  
Wie solchs sein Tauff Nam mit bringt auch/  
Das heist/starck sein/auff vnser Sprach.

Der Vierd einer von AVRSVVALD war/  
Uns Pfaltzgraffn Hoff wol bekand gar.

Dies Vier habn angeboten Kampff/  
Jedermenniglichen mit Dampff/  
Widr der Auentorierer Dauff/  
Die allda mochten treten auff.  
Mit Spiessn zu brechn/vnd Schwertn zuschlagm/  
Wie mans im Tornier pflegt zu wagn.

Auentorie-  
rer.

Jesen ist auffgezogn zu gegn  
**A** Der Fürstlich BALEWtigam gar ebn/  
Mit zwölff Personen auserkorn/  
Darunter waren Hochgeborn  
Fürsten/Grafen/vnd Edelleut/  
Stafirt/Geputzt/vnd wol bereit.

Dem BALEWtigam ist gefolgt im Werck/  
LVDVVIG Hertzog zu VVIRTEMBERG/  
Mit Vier vnd zwantzig Auentirn/  
Die Er gar dapffer thet auff führn/  
Mit Fürstlichen/Höflichem Gang/  
Drob sich Jung vnd Alt wundert lang.  
In Schwartz/Gelb/Weis/warn sie Bekleid/  
Des Schertzs zu warten allbereit.

Do nu Heerpauckn vnd Tromtn erscholln/  
Begunt ihn auch der Muth zu schwelln/

Vnd

Vnd haben die Mantentorn/  
Mit jedem sein Quentorn/  
Drey Spies zu brochnach einander/  
Drauff mit Schwerten auffeinander  
Auch sieben manlich streich gethan/  
Das in der Luft frey klang daruan.

Als nu Solchs alles war volbracht/  
Dat mans darnach also gemacht/  
Das beide vier Mantentorn/  
Vnd Quentorier all erkorn/  
Sind worden getheilt in zwey gleich Part/  
Vnd gsetzt gegn ander vberwart/  
Ein Spies zu brechen auffdem Plan/  
Vnd mit den Schwerten als bald dann/  
Die Folge torniern vnd zu schlagen/  
Wie sich geziemt also zu wagn.

Was nu für Klippen/Klappen/brausn/  
Auch Tumult/Klingen/dönen/sausn/  
Solchs hat gegeben in der Luft/  
Kansu nachdencken mit Vernunfft.  
Bis das durch die Herrn Judiciern/  
Ihn ist geboten auff zu hörn/  
Auch Spies vnd Schwert gar entzwey  
Letzlich zubrochen seind all frey.

**S** Drauff gegangen zu Tisch ist man/  
Vnd nach dem Abendmal als dann  
Zum Dantz/wie vorhin auch geschehn/  
Domals hab ich noch mehr gesehn/  
Wie hat Doctor LVCAS THANGEL/  
Nebn seinen domals Mitgeselln/

Dantz vnd  
Dantz aus-  
teilung.

D

Des

Des Fürstlichen Brutigams von wegn/  
Mit schön/hüpschen/zierlichen Redn/  
Gar herrlich Gschmeid/Kleinot/vnd Danck/  
Gegeben aus/vnd so verschenckt/  
Nach dem ein jeder im Tornier  
Sich mannlich hat erzeigt mit Zier.

Denn wer in ersten Gengen drey  
Sein Spiess zum feinsten geschwenckt frey/  
Mit brechen vnd stossn in den Feind/  
Dem ward ein güldner Spies geschenckt.  
Wer aber in den sieben Streichn  
Schwerter zubrochen hat am meisten/  
Der hat ein Handschuch kriegt zu Danck/  
Von schönem rotem Golde blanc.

THAMM Vitzthumb ztheil der Spies danck  
Drumb das er hat gebrochen hart (ward/  
In den ersten Gengen Spies drey  
Zum zierlichsten/besten fleis frey.

HEINRICH Kowitzky der Schwert danck  
Von Judicirn ward zu erkand.  
Weil er in ersten Streichn vnd Gengen  
Fünff Schwerter hat zerschlagen behend.

DIETRICH VITZthumb von Ecksted zwar/  
Weil Er sich wol gehalten gar/  
Beid im Spies brechn vnd Schwert zuschlan  
Im ersten Treffen vnd Angahn/  
Desgleichen in der Folge mit/  
Drumb Er ein güldn Handschuch gekriegt.

Den vierdten Danck/als ein Kleinot/  
LVDVVIG zu VVIRTEMBERG Hertzog  
Erlanget

Erlanget hat / durch Schwerter drey /  
Die in der Folg zerschlagen frey  
Von ihm worden / auch das Er war  
Aufgezogen mit seiner Schaar /  
Manlich mit Muth / vnd Tapfferkeit /  
Zierlich / nach aller Döffligkeit.

Vnd hat gewehret solche Pracht /  
Bis schier die Morgenrödt anbrach.  
Solchs ist geschehn auff diesen Tag /  
Merck auff nu / was Ich weiter sag.

**E**s zehnden dieses Monden Tag /  
Als man gessen hett zu Mittag /  
Thet man ein Fechtschuel schreyen aus /  
Drauf sich gefunden viel zum Straus.  
Entblöst ihr Leib vnd Kopff war gar /  
Gefochten habn sie gleichwol zwar /  
In alln Wehrn vnd Ritterlichn Waffn /  
Verhofft das Kleint damit zur lauffn.  
Darüber mancher mit Rubrick  
Gezeichnet wurd in solchem Krieg /  
Auch Ritterlichem Kampff vnd Streit /  
An Kopff / Stirn / Hend / vnd an sein Leib /  
Das er gar Trawrig gieng heraus /  
Als hett er Sawrs gesoffen aus.

Wir aber schlaunts zur selben Stund /  
Auch nicht gar wol / ach Fauste frum.  
Denn in dem Ich vffn Köhrkastn stehnd /  
Von dannen Ich kund alles sehnd /  
Stößt mich ein Bub geschwind hienunt /  
Das ich vbr Kopff fiel bis zu grund,

D ij

Do ich

Sechtschuel  
10. May.

Do ich nu rauffer kam mit Nott /  
Do hat ich noch darzu den Spott.  
Vnd gieng also zum Schloß hinaus /  
Wie ein gebadte trieffend Maus.

Faustus  
Frömbde  
Geste auff  
der Heim-  
fart etc.

Foel:

**U** sag mir lieber Foelix mein /  
Was für frömbd Gest da gewesen sein /  
Von viel Fürsten / Grafen / Herrschafft /  
Des bin ich dir mit Danck verhafft.

Die gemeine Sag darvon gieng starck /  
Das wol zwölff Fürsten / wie ich marckt /  
Ankommen sind von frembden Ort /  
Zu diesem Beylager vnd Heimfort.  
Der Nam ich wil versuchn itzund /  
Ob ich zu samm sie reimen kund.

LVDVVIG Hertzog zu VVIRTEMBERG /  
Ist der erst billich in dem Werck /  
Mit DOROTHEA VRSVLA /  
Seim hertzallerliebsten Gemahl /  
Welch man gar sehr Franck sagt domalt /  
Gott mach Sie wider starck gar bald.

VVILHELM Landgraff zu Hessenland /  
Wird der ander allhie genandt.

LVDVVIG sein Bruder der dritt war /  
Mit seim Gemahl HEDEVVIG zwar /  
So itziger Brant Schwester ist /  
Vnd auch war komn zu dieser Frist.

MORITZ Landgraff / des Wilhelms Son /  
Folget zum vierdten nu gar schon.

IOACHIM ERNST Fürst zu Anhalt /  
Mit seinen dreien Sönen bald /

Macht

Macht nu sieben vol in der Saal/  
Mit LEONORA sein Gemahl/  
So auch der Brant lieb Schwester ist/  
Vnd gleich da war zu dieser Frist.

Welcher drey Fürsten Nochgeborn/  
Vnd Gebrüdere auserkorn/  
Namen sind diese/CHRISTIAN  
Der erste ist/des andern nam  
IOHANGEORG/ aber der dritt  
CASIMIRVS genennet wirdt.

IOHANNES ERNST Hertzog zu Sachsen  
Der neunnde war in dieser Sachn/  
Mit seiner liebn Fraw Mutter zart  
ELISABETH Fürstlicher Art.

Der zehndt/ so kam zu diesem Merck/  
War GEORGERNST Fürst zu Dennenberg/  
Mit ELISABETH sein Gemahl/  
So auch in der Brant Schwester Saal.  
FRIEDRICH Pfaltzgraff der eilffte wird sein/  
Als man sagt/ zu Zweybrück am Rhein.

IOHAN GEORG Hertzog zur Lignitz  
Nu mehr also der zwölffte ist.  
Des allerliebste ANNA Gemahl/  
der Brant lieb Schwester gleiches fall/  
Gelegen ist vnterwegen  
Zu Erfart mit ein Land Erben/  
Des Nam in der Heiligen Tauff zart  
Christlich genent GEORG CHRISTOF ward.  
Vnd hat gemehrt das Fürstlich Geschlecht/  
Gott segn Sie fort/vnd bwar Sie recht.

D ij

Des:

Des Paten domals sind gewesen:  
LVDOVVICVS Landgraff zu Dessen/  
Welchem gefolget ist als bald  
IOACHIM ERNST Fürst zu Anhalt.  
Der dritt in diesem Christlichen Werck  
War GEORG ERNST Fürst zu Dennenbergk.

Ubr das sind da gewest erkorn  
Viel Graffn vnd Herren Wolgeborn/  
Desgleichen auch vom Adell viel/  
Auch Fürstin vnd Frewlein ohn Ziel/  
Der Namen mir seind vnbekant/  
Bewar sie D Gott allesampt.

Faustus Ich mus noch ein Frag thun an dich/  
Halt mirs zu gut/freundlich/bitt Ich/  
Man lest nicht gern Jederman  
Dienein in Fürsten Höfe gan/  
Zunor vns Bawern/drumb wundert mich/  
Wie man hat nein gelassen Dich?

Foel: Ich hatt geflochten Fisch Kesslein/  
Für Schmerlin vnd Eritzen Klein/  
Die mir der Fischer zu Schlos bezalt/  
Der nam mich mit in den Hoff bald.  
Daher ich also drinn verhart/  
Vnd zu sah Fürstlicher Heimfart.  
Kriegt auch zu Essen voll mein Hals/  
Zu Trincken/was ich wolt/gleichsfals.

Faustus. Es ist dir Trawen gar wol geglückt/  
Das du zusehn auff alle Stück/  
Doch acht ichs auch für glücklich Stund/  
Das Du bist komn zu Mir itzund/

Vnd



Vnd mir erzehlet solche Sach/  
Des danck ich Dir zu Tausent fach.  
Wir sind nu schuldig Allesampt/  
Als Vnterthan/nach vnserm Ampt/  
Zu jeder Zeit/Früe oder spat/  
Zu bitten Gott vmb seine Gnad/  
Drumb wollen wir von Hertzen grund/  
Also beten zum Bschluss itzund:

**W**ar er Gott von Ewigkeit/  
Der du bist Drey in Einigkeit.  
Himmel/Erden/Meer/solch grosse Last/  
Durch dein Allmacht erschaffen hast.  
Der du nicht wilt das Menschen wir  
Vns mehren solln/wie andre Thier:  
Sondern weil du ein Keuschr Gott bist/  
Den Estand gestiftet/vnd liebst noch itzt/  
So wiltu durch Ehwonung beids/  
Allein Eins Mans vnd Eines Weibs/  
Das Menschlich Geschlecht sich mehrn sol fort/  
Auff das Dichs Preise hie vnd dort:

Wir bitten dein Barmhertzigkeit/  
Von Hertzen in Demütigkeit.  
Du wolst vnsern Landsfürsten from/  
Vnd Sein hertzliebste Gemahl schon/  
(So sich in Ehestand habn begeben/  
Nach dein Befehl vnd Ordnung ebn)  
Dir auch lassen befohlen sein/  
In Gnad/Schutz/Schirm/vnd Segen dein.  
Gib ihn Gsundheit vnd langes Lebn/  
In deiner Furcht zu wandeln ebn.

D iij

Verbind

Hochzeitliche  
glückliche  
wünschung.

Leiblicher  
Segen.

Verbind ihr Hertz mit brünstig Lieb/  
In steter Einigkeit vnd Fried.  
Das Sie sich mögen wol begehñ/  
Wie Turtel Teublin in ihr Ehe.  
Kein Gall/kein Zanck/kein Daddr las sein  
Zwischen Ihn itzt vnd allzeit fein.  
Gesegn Sie auch zur Zeit vnd Stund  
Mit Leibs Früchten frisch vnd gesund.  
Das Sie darinn mögen erzeugn  
Lands Erbn/zum Trost vns armen Leuttn.  
Domit der löblich **KNUTEN KAMTZ**  
Nicht Verwelck vnd Verdorre gantz.  
Sondern wachse/blüh/grün/frisch/bleib/  
Zu Sommer vnd zu Winters zeit.  
Auff das vnter dem Schatten sein/  
Mögen habn Schutzz die Christlich Gemein.  
Wider Giffte/Stancck/vnd fehrlich List/  
Itzund vnd fort zu aller Frist.

Glück vnd  
fortgang.

Dieweil es aber gar nicht leit  
Allein an Müh/fleis/vnd Arbeit/  
So wir in vnserm Bruff mögn thun/  
Wo du nicht giebst dein Segn darzu:  
So gib nebn Weisheit vnd Verstand/  
Auch Gedeyen/Segn/Glück/Fortgang/  
Das alls Vornemen vnd Rathschlag  
Zu deiner Ehr gereichen mag.  
Darnach das auch werde gesucht  
Des Vaterlands Wolfart/Nutz/Frucht.

Besiehe den  
4. Laren:

Fuchs/Schlangen/Trachen/Wolff vnd Leb/  
Solch grausam Thier treib von vns weg.

Die

Die doch pflegen gemeiniglich  
In Fürsten Höfen einschleichen sich/  
Vnd richten darnach Unglück an/  
Das Herrn vnd Knecht zubzalen han.  
In Schuln vnd Kirchn gib Einigkeit/  
Der Lehr vnd Worts auch Reineigkeit.  
Erhalt in guter Ruh das Land/  
Behuts für Puffhur / Krieg vnd Brand.  
Den lieb'n Früchten gib fruchtbarkeit/  
Behüt für Hungr vnd Thewerzeit.  
Wilt vns loblich'n Obrigkeit/  
Wenn Sie wird greiffen mit der Zeit  
Zum Regiment durch Willen dein/  
Das sie Land / Leut / Regieren fein.  
Nach Bericht vnd Gerechtigkeit/  
Mit Weisheit vnd Fürsichtigkeit.

Damit Sie auch darnon bekomn /  
Wie ihr liebe Voreltern from /  
Alhie / Lob / Preis / Ehr / Ruhm / vnd Danck /  
Bey jederman im gantzen Land.

Vnd dort bey dir Gott Herr endlich  
Frend vnd Seligkeit ewiglich.

Lass dir auch Treulich beuoln sein /  
Vnser liebe Lands Mutter fein /  
Die Fürstin DOROTHEA SVSANN  
In ihrem betrübt'n Widwen Stand.  
Wie bisher / noch erhalt Sie ebn /  
In Gdult / Gesundheit / langem Lebn.  
Das Sie nach Leid / vnd Traurigkeit /  
Wegn Wolfart dieser Newn Eheleut /

Tom. D. M.  
Lut. zu Jes  
nagedruckt  
am blat  
780. b.

Lob vnd  
Rhum.

Ewiger  
Segen.

J

Wit

Widrumb mög haben Wonn vnd freud/  
Erquickung / Trost / Ergetzlichkeit.

In gleichem Fall bewar mit Gnad/  
Den Hochgeborn Fürsten ohn Schad/  
IOHANN Hertzog zu Sachsen fein/  
So des Brentgams Bruder allein/  
Der nu mehr ist von dreizehn Jarn/  
Das Ihm kein Leid mög widerfarn.

Auch ihr Fürstlich Gnad Schwesterlein/  
Das Fürstlich zarte Frewelein/  
MARIA löblich ihr Nam ist/  
Vnd geht nu mehr zu dieser Frist  
Ihres Alters ins zwölffte Jar/  
Wie mir gesaget ist für war.

In massen auch nim in dein Saal/  
Der Braut Verwandten allzumal.  
Die frembden Gest / so bey gewohnt/  
Zu Ehrn dieser Hochzeitlich Pomp/  
Die bring allsampt / frisch vnd gesund  
Anheim zun ihrn zu guter Stund.  
Ordne ihn zu dein Engelein/  
Die lass ihr Schutz vnd Gleitz Lent sein.  
Frist ihn hie Alln ihr Leben lang/  
Dort schenck ihn das recht Vaterland.

Das geb der trewe lieb GOTT schon/  
Foelix. Durch IESVM CHRISTVM seinen Son.  
Der sey sampt HEILGEM GEIST gepreist/  
Von nu an bis in Ewigkeit.

Weil

Weil nu die Sonn sich gneiget hat/  
Werd ich zuthun haben gar satt/  
Das ich mit Lauffen vnser Dorff  
Erreichen mög in grosser Sorg/  
Darumb ich mich auff die fart mach/  
Ade/mein Faust/ zu guter Nacht.  
E N D E.

Psalm: 115.

Nicht vns HERR/nicht vns / Sondern  
deinem Namen gib Ehre/ vmb deine  
Gnade vnd Wahrheit/  
A M E N.



Gedruckt zu Jhena durch  
Donat Richzenhan.

Anno M. D. LXXXIII.



147 535

X 2207143


n. 15

Handwritten text on the left edge, partially obscured by a tear. Visible fragments include "B... .." and "147143".









2.

Von der Heimfahrt vnd  
Beylager  
Des Durchleuchtigen/  
Hochgebornen Fürsten vnd  
Herrn/FRIEDERICH VVIL-  
HELMS/ Herzogen zu Sachsen/ Landt-  
graffen in Thüringen/ vnd Marg-  
graffen zu Meissen/  
Vnd

Seiner Fürstlichen Gnaden Herzhel-  
sten Braut/ Frewlein SOPHIA/ gebor-  
nen Herzogin zu Wirtembergk vnd Teckh/  
Gresin zu Rumpelgart.

Gesprech zweyer Personen/

Darinn zu befinden/ was von Anfang bis zum  
Ende/ in solcher Hochzeitlichen freude/ mit allerley Herrlig-  
keit/ vnd Ritterlicher Kurzweil/ sich begeben hat/ sehr lustig zu  
lesen/ Gott zu Lob/ vnd beyden/ dem Fürstlichen Breutigam/  
vnd F. Braut/ zu Ehren vnd Glückwünschung/ auch  
zum gedechtnis bey vnsern lieben Nachkommen/  
beschrieben/ erstlich Lateinisch/ darnach  
Keimweise vordeutsche/ Durch

Johann Ditmar Witeberg:  
M. D. LXXXIII.